

UEUren
Baionako Ikastaroak


Euskararen egoera juridikoa aztergai Zuzenbide ikastaroan

«Presio handiagoa behar da hizkuntz eskubideak onartzeko»

L. F. / Baiona

EUSKARAREN egoera juridikoaren azterketa hautatu zuten lelotzat Zuzenbide ikastaroko kudeatzaileek. Xabier Iriondo, *Hizkuntzen babes juridikoa* tesia prestatzen ari den Herri Ardularitzaren Euskal Erakundeko (HAEE) bekaduna Koldo Gorostiaga bere irakasle ohiaren alboan agertu zen euskararen egoera juridikoa aztertzeko.

Iriondo Hegoaldeko egoera juridikoa aztertzen ari da bere tesian, eta horren azalpen xehatua egin zuen mintzaldian. Izan ere, herritarrek Justizia administrazioarekiko harreman guztiak euskaraz jasotzeko eskubidea badute ere, praktikan zailtasun ugari daude «Justiziak berak jartzen dituen oztopoengatik». Funtsezkoena: administrazioa langileek hizkuntza preskakuntza nahikorik ez izatea. Bigarren, bezeroen eskubideak hobeto defenditzeko abokatu gehienek euskara baztertzen dute



Xabier Iriondo eta Koldo Gorostiaga

L. FOURCADE

itzulpen arazoei buru egiteko.

Justizia administrazioaren esku dago, beraz, herritarren eskubide horiek errespetatzea. Abokatu euskaldunek zeregin handia dutela azpimarratu zuen, eta adibide gisa Kataluniako

abokatuen ekimena aipatu zuen non 2.000 abokatu bulegok epaitegietan katalanez egiteko erabakia hartu duten. «Epaileek eta Justizia administrazioak horren beharra ikusi eta erantzun beharko diote».

Osakidetzako proba bat ikertzeko eskatu du ELAk

■ Osasun Kudeaketa Unitatean sartzekoa «susmagarria» izan dela salatu du

Erredakzioa / Bilbo

OSAKIDETZAKO Osasun Kudeaketa Unitateko 16 lanpostu betetzeko probak berehala ikertu eta argitzeko eskatu zuen atzo ELAk. Sindikatu honek adierazi zuenez, «badira zenbait gertakari, objektiboki aztertuak izanez gero, prozesuaren gardentasunaz susmo serioak sortzen dituztenak».

ELako ordezkariak «harrigarritzat» jo zituzten atzo azterketak, honako arrazoi hauek aipatuz: «Lehenengo proba gain-

ditu duten oposaziogileek lortu duten puntuazioa, eta gainditu dutenetako batzuek oposaketako epaimahaiko lehendakaria izan den Andoni Alzelairen zuzendariordetzan behin-behineko langile legez jardun izana».

Sindikatuak proba honekiko «susmo sendoak areagotzen dituzten» gertakariak aipatu zituen: lehenengo probaren ego-kitasun falta; azterketa gainditu ez dutenen kopuru handia, eta gainditu duten zenbait oposaziogile eta epaimahaikideen arteko adiskidetasuna. X

Kontrabandoko milioi bat tabako kaxa atzeman dira

■ Lina I itsasuntzia ihes egiten ahalegindu zen

Jakes Goikoetxea / Donostia

ADUANA Zaintzako Zerbitzuak (AZZ-k) kontrabandoko milioi bat tabako gorri kaxa zeramatzan Lina I itsasuntzia atzeman zuen Bizkaiko kostatik 60 miliatara herenegun goizaldean.

AZZko patruila batek gelditzeko agindu zion Lina I, baina honek ihes egin zuen. Bost ordu

beranduago patruileroak itsasuntzia geldiaraztea lortu zuen eta bertako zazpi marinela atxilotu zituen. Tabakoaren balioa 300 milioi pezetakoa da.

Honakoak dira atxilotuak: Jose Manuel A.M.; bere seme diren Ion Mikel eta Rikardo A.I.; Orioko Andres V.A., Samuel L.U. eta Miguel Maria G.E.; eta Roberto Juan A.A. txiletarra. X

Hiru eguzki

FAGOR-TARTERAK (Ø28 - Ø24 zm.)



150.000 pta. 12 hilerako.
300.000 pta. 6 hilerako.

IRRATI-ERLOJU IRETZARGAILUA (Philips)



125.000 pta. 6 hilerako.
200.000 pta. 3 hilerako.

PICNIC SASKIA (4 Zerbitzuduna)



100.000 pta. 6 hilerako.
175.000 pta. 3 hilerako.

Hiru artikuluok: 250.000 pta. 12 hilerako, 500.000 pta. 6 hilerako.

Orain Euskadiko Kutzako Superlibretan eta Super 55ean hiru eguzki bezalako hiru aukera dituzu uda zure aurrezkiei etekin praktikoa ateraz has dezazun. Anima zaitetz eta emaiezu uda ederra zure aurrezkiei.

Informa zaitetz Euskadiko Kutzaren sukurtsaletan edo 901-333 444 telefonora deituta gaueko hamarrak bitartean. Promozio hau izakinak bukatu arte egongo da.

CAJA LABORAL
EUSKADIKO KUTXA

Erantzun zuzena